

ovlaštenja policijskog službenika koji se nalazi na službenoj dužnosti.

**Član 10.**

Policijski službenik će čuvati kao tajne sve povjerljive podatke i materijale do kojih dođe, osim kada zakonske odredbe zahtijevaju drugačije.

Policijski komesar može iz valjanog razloga ili po zahtjevu ovlaštenog organa osloboditi sadašnjeg ili bivšeg policijskog službenika obaveze čuvanja tajnosti podataka u skladu sa važećim propisima iz oblasti zaštite tajnih podataka.

Obaveza čuvanja tajnih podataka i materijala iz prvog stava ovog člana se nastavlja i nakon prekida radnog odnosa policijskog službenika.

**Član 11.**

Rad policijskog službenika se ocjenjuje najmanje jednom godišnje na osnovu Zakona i podzakonskog akta koji regulišu ovo pitanje.

**Član 12.**

Policijski službenik ne može zauzimati položaj, vršiti funkciju ili aktivnost nespojivu sa njegovim službenim dužnostima, a posebno: ne može vršiti javnu izbornu dužnost niti biti nosilac bilo kakve izvršne funkcije koja podrazumijeva imenovanje od strane bilo kojeg tijela vlasti na bilo kojem nivou u Bosni i Hercegovini, osim imenovanja na poziciju rukovodioca i zamjenika rukovodioca policijskih organa u Bosni i Hercegovini, ne može obavljati nikakvu dodatnu aktivnost uz naknadu osim naučnog i pedagoškog rada, rada u umjetničkim, sportskim, humanitarnim i drugim organizacijama čija djelatnost nije u sukobu sa interesima službe, uz prethodno odobrenje policijskog komesara, ne može biti član političke stranke niti slijediti uputstva političkih stranaka, niti biti predložen od političke stranke za imenovanje na bilo koju izvršnu funkciju, niti u policijskoj uniformi prisustvovati skupovima političkih stranaka ili drugim političkim skupovima, osim ukoliko je na dužnosti, ne može davati javne izjave niti na drugi način javno komentirati rad policijskog organa bez odobrenja policijskog komesara.

Po sticanju statusa policijskog službenika, policijski službenik, u skladu sa Zakonom, daje sve informacije o funkcijama i djelatnostima koje vrši, kao i podatke o imovini kojom raspolaže u formi izjave ovjerene od strane nadležnog organa, a u skladu sa važećim propisima. Svi podaci iz ovog člana pohranjuju se u kadrovskoj evidenciji policijskog organa u skladu sa važećim propisima iz oblasti zaštite ličnih podataka.

**Član 13.**

Ugovorne strane su saglasne da se omogući sloboda sindikalnog udruživanja u skladu sa zakonskim propisima.

**Član 14.**

Uprava policije se obavezuje da će policijskog službenika snabdijevati pripadajućom uniformom, opremom, naoružanjem, radnim prostorom i sredstvima rada, drugim potrepsšinama i uslugama koje su primjerene tom radnom mjestu i prikladne za obavljanje njegovih dužnosti, u skladu važećim propisima koji regulišu ovu oblast.

**Član 15.**

Policijski službenik podliježe disciplinskoj odgovornosti za povrede službene dužnosti, nastale kao rezultat njegove krivice, te materijalnoj odgovornosti za štetu koju prouzrokuje namjerno ili iz krajnje nepažnje tokom obavljanja dužnosti.

**Član 16.**

Policijski službenik može ovaj ugovor otkazati pismenim putem, bez obaveze navođenja posebnog razloga za otkaz.

**Član 17.**

Policijskom službeniku će prestati radni odnos u slučajevima propisanim u odredbama Zakona koje se odnose na osnove prestanka radnog odnosa.

**Član 18.**

Ugovorne strane su saglasne da će eventualne sporove oko prava i dužnosti utvrđenih ovim ugovorom rješavati sporazumno, a ukoliko do sporazuma ne dođe, da spor rješava nadležni sud prema sjedištu Uprave policije.

**Član 19.**

Policijski službenik je saglasan da Uprava policije može vršiti obradu njegovih ličnih podataka u preduzimanju nadležnih poslova, a za vrijeme trajanja ugovora o radu.

**Član 20.**

U svemu što nije regulisano ovim ugovorom, primjenjivat će se važeći Zakon o policijskim službenicima Kantona Sarajevo, kolektivni ugovor, te ostali zakonski i podzakonski akti kojima se uređuju prava i obaveze policijskih službenika.

**Član 21.**

Ovaj ugovor sačinjen je u tri istovjetna primjerka, od kojih jedan primjerak zadržava policijski službenik, a dva primjerka Uprava policije.

Datum: \_\_\_\_\_

Broj: \_\_\_\_\_

\_\_\_\_\_  
POLICIJSKI SLUŽBENIK

\_\_\_\_\_  
POLICIJSKI KOMESAR

MP

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19), člana 127. tačka f) i člana 42. stav (5) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), na prijedlog policijskog komesara, ministar unutrašnjih poslova Kantona Sarajevo donosi

**PRAVILNIK**

**O KRITERIJIMA I NAČINU UTVRĐIVANJA  
ZDRAVSTVENE SPOSOBNOSTI POLICIJSKIH  
SLUŽBENIKA UPRAVE POLICIJE MINISTARSTVA  
UNUTRAŠNJIH POSLOVA KANTONA SARAJEVO**

**POGLAVLJE I - OPĆE ODREDBE**

**Član 1.**  
(Predmet)

Ovim pravilnikom uređuju se kriteriji i način utvrđivanja zdravstvene sposobnosti policijskih službenika u Upravi policije u Ministarstvu unutrašnjih poslova Kantona Sarajevo (u daljnjem tekstu: Uprava policije) i kandidata koji se upućuju na ljekarski pregled iz člana 58. Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), kao i druga pitanja koja se odnose na zdravstveni pregled policijskog službenika i psihofizički pregled policijskog službenika nakon upotrebe sredstava fizičke sile, nakon upotrebe vatrenog oružja ili učešća u visokorizičnim akcijama.

**Član 2.**

(Ustanova koja vrši provjeru i utvrđivanje zdravstvene sposobnosti)

- (1) Provjeru i utvrđivanje zdravstvene sposobnosti policijskih službenika u Upravi policije i kandidata koji učestvuju u proceduri zapošljavanja i upućivanja na osnovnu obuku za kadete vrši Zavod za zdravstvenu zaštitu zaposlenika Ministarstva unutrašnjih poslova Kantona Sarajevo (u daljem tekstu: Zavod).
- (2) Međusobni odnosi Uprave policije i Zavoda se regulišu posebnim ugovorom, ukoliko ti odnosi nisu regulisani na drugačiji način.

POGLAVLJE II - VRSTE ZDRAVSTVENIH PREGLEDA,  
KRITERIJI ZDRAVSTVENE SPOSOBNOSTI I DRUGA  
PITANJA KOJA SE ODOSE NA ZDRAVSTVENI  
PREGLED POLICIJSKIH SLUŽBENIKA

Član 3.

(Vrste zdravstvenih pregleda)

- (1) Zdravstveni pregledi su:
  - a) redovni zdravstveni pregled - obavlja se za policijske službenike raspoređene u Jedinici za specijalističku podršku - svake dvije godine,
  - b) periodični zdravstveni pregled - obavlja se za sve policijske službenike izuzev policijskih službenika iz tačke a) ovog člana - svake četiri godine ili u periodu koji odredi policijski komesar u skladu sa raspoloživim budžetskim sredstvima,
  - c) prethodni zdravstveni pregled - obavlja se za kandidate koji su ostvarili najveći broj bodova u proceduri zapošljavanja i upućivanja na osnovnu obuku za kadete,
  - d) vanredni zdravstveni pregled - obavlja se za policijskog službenika za kojeg je neposredni rukovodilac uputio prijedlog policijskom komesaru za upućivanje na vanredni zdravstveni pregled.
- (2) Zdravstveni pregledi iz stava (1) tačka b) ovog člana se obavljaju u postupku izbora i zapošljavanja policijskih službenika iz drugih policijskih organa u Upravu policije.

Član 4.

(Vrste i kriteriji zdravstvene sposobnosti)

- (1) Policijski službenik je dužan da se podvrgne zdravstvenom pregledu iz člana 3. ovog pravilnika koje organizuje Uprava policije u cilju utvrđivanja opšte i posebne zdravstvene sposobnosti za obavljanje poslova i zadataka policijskih službenika.
- (2) Opća zdravstvena sposobnost podrazumijeva sposobnost koja omogućava nesmetano obavljanje poslova i zadataka bilo kojeg drugog radnog mjesta i utvrđuje se kao načelna, dok je posebna zdravstvena sposobnost vezana za specifične poslove i zadatke policijskih službenika i podrazumijeva posebne specijalističke preglede.
- (3) Ako policijski službenik ne postupi u skladu sa stavom (1) ovog člana, Uprava policije putem nadležne organizacione jedinice pokreće postupak zbog teže povrede službene dužnosti izbjegavanja zakonom predviđenih ljekarskih pregleda.
- (4) Lista bolesti, povreda, tjelesnih mana i zdravstvenih stanja koje čine smetnju - kontraindikaciju za obavljanje poslova policijskih službenika (Prilog broj 1.) nalazi se u prilogu ovog pravilnika i čini njegov sastavni dio.

Član 5.

(Upućivanje na zdravstvene preglede i evidencija)

- (1) Policijske službenike na zdravstvene preglede upućuje policijski komesar putem nadležne organizacione jedinice za kadrovske poslove u Upravi policije u saradnji sa organizacionim jedinicama u kojima su raspoređeni policijski službenici.
- (2) Nadležna organizaciona jedinica za kadrovske poslove u Upravi policije poduzima sve potrebne organizacione pripreme koje se odnose na dinamiku upućivanja na zdravstvene preglede u saradnji sa Zavodom, te vodi evidenciju o obavljenim zdravstvenim pregledima i ljekarskim uvjerenjima u okviru personalnih dosjea policijskih službenika.

Član 6.

(Prvostepena ljekarska komisija)

- (1) Opštu i posebnu zdravstvenu sposobnost iz člana 4. ovog pravilnika utvrđuje Prvostepena ljekarska komisija koju imenuje direktor Zavoda.

- (2) Prvostepena ljekarska komisija sastoji se od tri člana i tri zamjenska člana i to:
  - a) doktor medicine, specijalista medicine rada ili specijalista porodične medicine u svojstvu predsjednika,
  - b) doktor medicine, specijalista neuropsihijatar ili neurolog ili psihijatar u svojstvu člana,
  - c) psiholog, u svojstvu člana.
- (3) Zamjenski članovi učestvuju u radu prvostepene ljekarske komisije kada jedan od članova komisije nije u mogućnosti pristupiti radu komisije.

Član 7.

(Medicinski pregledi i dokumentacija)

- (1) Prvostepena ljekarska komisija utvrđuje opštu i posebnu zdravstvenu sposobnost iz člana 4. ovog pravilnika.
- (2) Opštim ljekarskim pregledom utvrđuje se opšta zdravstvena sposobnost i to:
  - a) porodična i lična anamneza iz izvoda medicinske dokumentacije zdravstvene ustanove u kojoj se liječi,
  - b) hronična oboljenja iz izvoda medicinske dokumentacije,
  - c) antropološka mjerenja,
  - d) na osnovu fizikalnog pregleda grube anomalije kardiovaskularnog i respiratornog sistema,
  - e) stanje lokomotornog aparata.
- (3) Specijalističkim ljekarskim pregledom utvrđuje se posebna zdravstvena sposobnost i on obuhvata:
  - a) standardne laboratorijske i po potrebi dodatne laboratorijske pretrage sa testom na droge koji je samo indikacija,
  - b) specijalistički internistički pregled sa EKG-om i spirometrijom, a na osnovu indikacije RTG i UZ nalaza,
  - c) ginekološki pregled za žene,
  - d) ORL pregled sa audimetrijom i nalaz,
  - e) oftalmološki pregled i nalaz,
  - f) neurološki i psihijatrijski pregled i nalaz,
  - g) psiho test sa procjenom ličnosti,
  - h) pregled specijaliste medicine rada sa nalazom i zaključnim mišljenjem.
- (3) U postupku ocjene opšte i posebne zdravstvene sposobnosti prvostepena ljekarska komisija može preporučiti obavljanje dodatnih pretraga i pregleda neophodnih za donošenje ocjene zdravstvene sposobnosti, te konsultovati i druge doktore medicine određene specijalnosti.

Član 8.

(Ocjena zdravstvene sposobnosti)

- (1) Opšta i posebna zdravstvena sposobnost utvrđuje se ocjenom: "sposoban za obavljanje poslova policijskog službenika", "privremeno nesposoban za obavljanje poslova policijskog službenika do okončanja liječenja" ili "nesposoban za obavljanje poslova policijskog službenika", a za kandidate koji su ostvarili najveći broj bodova u proceduri zapošljavanja i upućivanja na osnovnu obuku za kadete, utvrđuje se ocjenom "sposoban za obavljanje poslova policijskog službenika" ili "nesposoban za obavljanje poslova policijskog službenika".
- (2) Nalaz, ocjenu i mišljenje u vezi opšte i posebne zdravstvene sposobnosti Zavod donosi najkasnije u roku od osam dana od dana završetka zdravstvenog pregleda u formi uvjerenja o zdravstvenoj sposobnosti.
- (3) Izuzetno, zbog nemogućnosti donošenja ocjene zdravstvene sposobnosti policijskog službenika u roku predviđenom u stavu (2) ovog člana, nadležna ljekarska komisija može prekinuti postupak donošenja ocjene zdravstvene sposobnosti do okončanja potrebnih dodatnih medicinskih dijagnostičkih procedura. Dodatne medicinske dijagnostičke procedure se vrše putem sistema javnog zdravstva.
- (4) Ocjena opšte i posebne zdravstvene sposobnosti za kandidate koji su ostvarili najveći broj bodova u proceduri zapošljavanja i upućivanja na osnovnu obuku za kadete dostavlja se Komisiji za izbor Uprave policije preporučenom poštom ili neposrednim preuzimanjem od strane Komisije za izbor Uprave policije.



Tjelesni status		A	B	C
1.	Izražena astenična ili adipozna konstitucija	-	-	+
2.	Minimalna težina muškarci 60 kg, žene 50 kg	-	-	+
3.	Minimalna visina muškarci 170 cm, žene 160 cm	-	*	+

14.	Sve vaskularne anomalije koje svojom veličinom i lokalizacijom ograničavaju punu fizičku aktivnost	-	-	+
15.	Varikoziteti donjih ekstremiteta bez izraženih varikoznih čvorova	-	-	+

Oftalmologija		A	B	C
1.	Afakija, pseudoafakija	-	-	-
2.	Ambliopija (jednog oka)	-	-	-
3.	Ambliopija (oba oka)	-	-	-
4.	Anomalije osjeta na boje (protoanomalija manja od 0,5 i douteroanomalija viša od 1,3 anomaloskopskih vrijednosti) AQ 0.7 - 1,3	-	-	-
5.	Bolesti mrežnice - retine (bez obzira na etiologiju) sa funkcionalnim poremećajima	-	-	-
6.	Bolesti vidnog živca (bez obzira na etiologiju)	-	-	-
7.	Duboke upale rožnice, zamućenja rožnice (kornee)	-	-	-
8.	Glaukom	-	-	-
9.	Hronične alergijske bolesti (i gnojne) upale spojnice (konjunktive)	-	-	*
10.	Katarakta	-	-	-
11.	Poremećaj bulbotomora sa očuvanim prostornim vidom i vidnim poljem	-	-	-
12.	Poremećaji bulbotomora bez prostornog vida	-	-	-
13.	Refrakcijske anomalije (minimalan visus jednog oka bez korekcije 1; drugog bez korekcije 0.7; sa korekcijom minimalno 0.9)	-	-	+
14.	Refrakcijske anomalije (sa korekcijom na jednom oku visus 1; na drugom sa korekcijom minimum visus 0,7)	-	-	-
15.	Stanje nakon ozljeda, operativnih zahvata ili drugih anomalija koje uzrokuju funkcionalna ili estetska oštećenja	-	*	*
16.	Upale šarenice i žilnice (irisa i uvee) sa trajnim oštećenjem vida	-	-	-

Disajni/respiratorni sistem		A	B	C
1.	TBC pluća - aktivna	-	-	-
2.	TBC pluća - inaktivna, bez funkcionalnih posljedica	-	-	+
3.	Aktivna TBC drugih organa	-	-	-
4.	Astma	-	*	+
5.	Respiratorna insuficijencija - bez obzira na etiologiju	-	-	-

Kardiovaskularni sistem		A	B	C
1.	Blaga oscilatorna hipertenzija (bez medikamentozne terapije)	-	-	+
2.	Hemoroidalna bolest težeg stepena	-	-	+
3.	Izraziti varikoziteti donjih ekstremiteta sa značajnom insuficijencije perifernih vena, postfelbički sindrom	-	-	*
4.	Izražena hipotonija sa prisutnim smetnjama	-	-	-
5.	Koronarna bolest i ishemična stanja - akutna ili preboljela	-	-	*
6.	Manifestna arterijska hipertenzija (HTA)	-	-	-
7.	Ostala hronična oboljena srčanih struktura kao i miokarda	-	-	-
8.	Periferna arterijska insuficijencija ekstremiteta	-	-	*
9.	Poremećaji ritma srca i smetnje provođenja	-	-	*
10.	Recidivirajući tromboflebitis, trombofleboza	-	-	-
11.	Reumatska groznica sa ili bez oštećenja srca	-	-	-
12.	Reumatsko oboljenje srca - hronično	-	-	-
13.	Sve prirodne i stečene mane kardiovaskularnog sistema	-	-	-

Krv - nalazi krvi i krvotvornih organa		A	B	C
1.	Anemije - izrazite i dugotrajne	-	-	*
2.	Anemije - kongenitalne	-	-	-
3.	HIV - pozitivan nalaz seruma	-	-	-
4.	Ostala verifikirana hemopoetska oboljenja i bolesti koagulacije	-	-	-

Gastrointestinalni sistem		A	B	C
1.	Analna fisura hronična i prolapsi anorektuma	-	-	*
2.	Analne i perianalne fistule	-	-	+
3.	Bilijarna kalkuloza (Chiolelythiasis)	-	-	+
4.	Ciroza jetre sa portalnom hipertenzijom	-	-	-
5.	Ciste jetre, veće	-	-	-
6.	Ciste pankreasa	-	-	+
7.	Ezofagitis, teži refluks	-	-	-
8.	Hemohromatoza; Vilsonova bolest	-	-	-
9.	Hepatitis B i C, hronični aktivni	-	-	-
10.	Hepatitis druge etiologije, hronični aktivni	-	-	-
11.	Hernije (sve vrste vanjskih hernija)	-	-	*
12.	Hiatus hernija (klizna, manja)	-	-	+
13.	Malapsorpcioni sindrom; sprue	-	-	-
14.	Pankreatitis, akutni ili hronični	-	-	-
15.	Peptički ulkus želuca ili dvanaesterca - aktivni	-	-	+
16.	Stanje nakon biliodigestivnih anastomozama	-	-	+
17.	Stanje nakon resekcije želuca	-	-	+
18.	Sva stanja nakon hirurških zahvata koja smanjuju funkcionalnu sposobnost organizma	-	-	*
19.	Upale i opstrukcije žučnih puteva	-	+	+
20.	Upalne bolesti tankog ili debelog crijeva (Colitis ulcerosa i M. Chron)	-	-	+
21.	Varikoziteti donje trećine jednjaka	-	-	+

Endokrinologija i metabolizam		A	B	C
1.	Diabetes mellitus, inzulin neovisan, bez komplikacija	-	-	+
2.	Diabetes mellitus, inzulin ovisan, bez komplikacija	-	-	*
3.	Diabetes mellitus, inzulin ovisan, sa komplikacijama	-	-	-
4.	Giht i ekvivalenti	-	-	+
5.	Hiper i hipo funkcija štitnjače i hipofize	-	-	*
6.	Sve bolesti u vezi sa disfunkcijom suprenalnog sistema i spolnih organa	-	-	*

Stomatologija		A	B	C
1.	Defektno - manjakvo zubalo sa gubitkom od 5 zuba u nizu ili ukupno 10 zuba	-	-	+
2.	Dentolacijalne anomalije	-	-	+
3.	Gingivitis - hronični, težeg stepena	-	-	+
4.	Gubitak (nenadomješten) prednjih zuba gornje ili donje vilice sa očitim estetskih defektom	-	+	+
5.	Kariozno zubalo sa predvidivim gubitkom kao gore	-	-	+
6.	Paradentozna - težeg stepena	-	-	+

Dermatologija		A	B	C
1.	Diseboreja, jako izražena, osobito lica (kozmetički) ili leđa koja se teško liječi	-	-	*
2.	Hronična upalna oboljenja kože i hronična furunkuloza	-	-	*



3.	Piodermije (sve) i teža hronična gljivična oboljenja	-	-	-
4.	Psorijaza (generalizirana, pustulozna); ekcemi težeg i zglobnog oblika	-	-	-
5.	Sklerodermija	-	-	-
6.	Tetovaže: na vidljivim mjestima koje ne prikriva policijska uniforma koja se nosi u ljetnom periodu, tetovaže veće od 10 cm, tetovaže neprimjerenog sadržaja koje mogu dovesti od uznemirenja drugih ljudi	-	-	-
7.	Veće pigmentne izrasline i brazgotine na uočljivim mjestima	-	*	*

Otorinolaringologija	A	B	C
1. Afekcije labirinta	-	-	-
2. Blaži poremećaji i smetnje govora	-	-	+
3. Hornične alergijske i gnojne upale nosa	-	-	+
4. Hronične upale srednjeg uha sa perforacijom ili bez nje, mastoiditisi	-	-	+
5. Hronični gnojni sinusitisi	-	-	+
6. Hronični laringitis (bez obzira na etiologiju) i polipoze	-	-	+
7. Laringo - faringijska ezofagijska suženja (bez obzira na etiologiju), sa funkcionalnim poremećajima i tegobama	-	-	-
8. Ozona	-	-	+
9. Paraliza mekog nepca	-	-	-
10. Patološka stanja štitnjače	-	-	+
11. Polipoza nosnih šupljina, veće devijacije septuma i veće hipertrofije konha (sa funkcionalnim poremećajima)	-	-	+
12. Stanja poslije trauma, operativnih zahvata ili druge anomalije koje uzrokuju funkcionalne ili estetske defekte	-	+	+
13. Teške i hronične angine ili jače hipertrofije tonzila - do eventualne sanacije	-	-	+
14. Teže hronične upale ždrijela	-	-	+
15. Teži poremećaji i smetnje govora	-	-	-
16. Veći skotomi u sluhu na jednom ili na oba uha (više od 40 dB kroz čitavu frekvenciju) i ostale percepcijske ili kondiktivne naglušosti.	-	-	+
17. Veći skotomi u sluhu na jednom ili na oba uha (više od 50 dB kroz čitavu frekvenciju) i ostale percepcijske ili kondiktivne naglušosti.	-	-	-

Ortopedija	A	B	C
1. Degenrativna oboljenja i.v. sa RTG utvrđenim promjenama (bez izraženih funkcionalnih smetnji)	-	-	+
2. Hallux valgus - izražen	-	-	+
3. Kifoze lakšeg stepena (do 40°)	-	-	*
4. Lordoze lakšeg stepena	-	-	+
5. Nedostatak jednog ili dva prsta na nozi uz smetnju funkcije stopala	-	-	*
6. Nedostatak kažiprsta jedne ruke	-	-	-
7. Nedostatak palca jedne ruke ili noge	-	-	-
8. Ozljeda meniskusa koljena i operativno odstranjen meniskus uz nestabilnost koljena	-	-	+
9. Pedes plani, pedes transversoplani (IV stepen), kad otežavaju hod ili su rigidna stopala	-	-	-
10. Prelazni pršljen sa mikrodiskom i artikulacijom jednog ili oba poprečna nastavka	-	-	-
11. Ruptura ligamenata koljena i ostalih zglobova donjih ekstremiteta, te ramena	-	-	*
12. Skolioza lakšeg stepena (do 25°)	-	-	+
13. Spondilolisteza vera prvog stepena	-	-	*
14. Urođene ili stečene deformacije prsnog koša: pectus carinatum, pectus excavatum i druge lakšeg stepena	-	-	+

Urogenitalni sistem	A	B	C
1. Kalkuloza urinarnog sistema	-	-	+
2. Kriptohizmus (jednostrano)	-	-	*
3. Prirodne i stečene anomalije urogenitalnog sistema, bez poremećaja funkcije	-	-	+
4. Upalna oboljenja uropoetskog sistema	-	-	+

Ginekologija	A	B	C
1. Benigne neoplazme genitalnog sistema (bez obzira na etiologiju) - ako izazivaju funkcionalne smetnje	-	-	+
2. Hronična oboljenja dojki, mastopatije (ako izazivaju teškoće) i neoplazme dojke	-	-	+
3. Sve akutne i hronične upale uterusa i adneksa koje prave veće tegobe i smetnje	-	-	+
4. Sve maligne neoplazme genitalnih organa bez obzira na stadij	-	-	+

Neurologija	A	B	C
1. Centralni (spastički), piramidni, ekstrapiramidni i cerebralni, periferni (mlohavi), kao i diseminirani sindrom - bez obzira na etiologiju	-	-	-
2. Cerebralna i spinalna vaskularna oboljenja - incidenti, akutni ili preboljeli sa i bez ispada - bez obzira na etiologiju (vaskularne malformacije, krvarenja, embolija, ishemije, aneksije, venozne cerebralne tromboze velikih ekstrakranijalnih arterija na vratu)	-	-	*
3. EEG promijenjen nalaz (disritmički, paroksizmalno ili fokalno)	-	-	*
4. Encefalopatija (posttraumatska) i mijelopatija	-	-	-
5. Epilepsija (verificirana) katepsija i narkolepsija	-	-	*
6. Heredodegenerativna oboljenja živčanog i mišićnog sistema	-	-	-
7. Luetična oboljenja CNS-a (lues cerebrovaskularni, tabes dorsalis, progresivna paraliza)	-	-	-
8. Migrena - kontrolni sistematski pregled	-	+	+
9. Tumori perifernog i centralnog nervnog sistema	-	-	-
10. Upalni intrakranijalni procesi sa posljedicama (meningoencefalitis, encefalitis, apsces empijem)	-	-	-

Psijatrija	A	B	C
1. Bolesti ovisnosti	-	-	-
2. Duševna zaostalost	-	-	-
3. Emocionalna nezrelost	-	-	-
4. Endogene ili funkcionalne psihoze (manifestne ili u remisiji)	-	-	-
5. Hronični moždani sindromi	-	-	-
6. Neuroze sa jače izraženim smetnjama	-	-	-
7. Paranoidna stanja	-	-	-
8. Psihopatija i bored line	-	-	-
9. Reaktivna stanja (učestala)	-	-	-
10. Seksualne devijacije	-	-	-
11. Sklonost stanjima panike	-	-	-
12. Patološka reakcija na stres	-	-	-

Psiholog - kriterij za psihološku obradu	A	B	C
1. Mehanički faktor (minimum 0 SD)	-	-	-
2. Perceptivni faktor (minimum 0 SD)	-	-	-
3. Okulomotorna koordinacija u skladu sa normama instrumenata	-	-	-
4. Opšta intelektualna razvijenost mjerena testom koji obavezno eksploriira faktor logičkog rezonovanja, specijalni, verbalni, perceptivni i numerički faktor (minimum 1 SD)	-	-	-
5. Poremećaj ličnosti izvan kriterija normalne populacije upotrebljavaju se kao indikator za psihijatrijsku obradu	-	-	-

**Ministarstvo za rad, socijalnu politiku,  
raseljena lica i izbjeglice**

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), čl. 59., 60., 61., 62. i 65. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18), čl. 32. i 34. Zakona o hraniteljstvu u Federaciji Bosne i Hercegovine ("Službene novine Federacije BiH" broj 19/17) i čl. 12., 13. i 170. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst, 38/16, 44/17 i 28/18), ministar za rad, socijalnu politiku, raseljena lica i izbjeglice Kantona Sarajevo donosi

**INSTRUKCIJU**

**O IZNOSIMA NOVČANIH DAVANJA PO ZAKONU O  
SOCIJALNOJ ZAŠTITI, ZAŠTITI CIVILNIH ŽRTAVA  
RATA I ZAŠTITI PORODICE SA DJECOM**

**I - OSNOVNE ODREDBE**

**Član 1.**

- (1) Osnov za utvrđivanje novčanih i drugih materijalnih davanja vezano za socijalnu zaštitu i zaštitu porodice sa djecom po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18) (u daljem tekstu: Zakon) je prosječna neto plaća ostvarena u Kantonu Sarajevo u prethodnoj (2018) godini pomnožena sa odgovarajućim koeficijentom, koja prema Odluci o visini koeficijenta za obračun prosječne neto plaće ostvarene u Kantonu Sarajevo u 2018. godini donesenoj od strane Vlade Kantona Sarajevo, broj 02-05-36479-50/19 od 10.10.2019. godine iznosi 660,00 KM (u daljem tekstu: prosječna neto plaća).
- (2) a) Osnov za utvrđivanje novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina je Odluka o utvrđivanju osnovice za određivanje visine mjesečnih novčanih naknada korisnika boračko-invalidske zaštite u Federaciji Bosne i Hercegovine (invalidnina), za 2019. godinu ("Službene novine Federacije BiH", broj 68/19) i iznosi 867,50 KM;
- b) Osnovica iz tačke a) mjesečno se uskladuje sa koeficijentom za usklađivanje visine mjesečnih novčanih primanja korisnika boračko-invalidske zaštite u Federaciji BiH, koji donosi Vlada Federacije BiH;
- c) Osnovica za obračun novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina obračunava se u visini od 70% mjesečnih novčanih primanja korisnika boračko - invalidske zaštite u Federaciji BiH i iznosi 594,94 KM, a utvrđuje se na slijedeći način:
  - Osnovica za korisnike boračko-invalidske zaštite . . . . . = 867,50 KM,
  - Koeficijent za usklađivanje . . . . . = 0,979736,
  - Osnovica za isplatu mjesečnih novčanih primanja korisnika boračko-invalidske zaštite (867,50 KM X 0,979736 = 849,92 KM) . . . . . = 849,92 KM,
  - Osnovica za korisnike civilnih žrtava rata (849,92 KM X 70 % = 594,94 KM) . . . . . = 594,94 KM.

- d) Sredstva za isplatu novčanih davanja i iznosa po osnovu zaštite civilnih žrtava rata obezbjeđuju se: za ličnu invalidninu u omjeru 70% iz Federalnog budžeta i 30% iz Budžeta Kantona po Zakonu o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 14/09), a za dodatak za njegu i pomoć od drugog lica, ortopedski dodatak i porodičnu invalidninu iz Federalnog budžeta (50%) i Kantonalnog budžeta (20%) po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16 i 40/18), (u daljem tekstu: Federalni zakon).

**II - SOCIJALNA ZAŠTITA**

**Član 2.**

**1. Stalna novčana pomoć**

- a) Iznos najnižeg primanja domaćinstva koji se smatra dovoljnim za izdržavanje jednočlanog domaćinstva je 132,00 KM, a za svakog narednog člana domaćinstva ovaj iznos se uvećava za 13,20 KM.
- b) Za domaćinstva iz člana 18. stav 2. Zakona, iznos najnižeg primanja domaćinstva koji se smatra dovoljnim za izdržavanje jednočlanog domaćinstva se uvećava za svako lice iz člana 27. Zakona za 20%.
- c) Iznos stalne novčane pomoći za jednog člana domaćinstva iznosi 132,00 KM, a za svakog narednog člana domaćinstva ovaj iznos se uvećava za 13,20 KM.
- d) Iznos stalne novčane pomoći za lica iz člana 27. Zakona, uvećava se za 30% iznosa koji se smatra dovoljnim za izdržavanje jednočlanog domaćinstva i za jednog člana domaćinstva iznosi 171,60 KM.

**2. Novčana naknada za pomoć i njegu od strane druge osobe**

- a) Visina novčane naknade za pomoć i njegu od strane druge osobe u smislu člana 27. Zakona, pod uvjetom da prihodi po članu domaćinstva ne prelaze 40% prosječne neto plaće (264,00 KM) iznosi . . . . . 99,00 KM

**3. Druge materijalne pomoći**

Jednokratna novčana pomoć dodjeljuje se korisniku u okviru jednog domaćinstva najviše tri puta u toku kalendarske godine, u ukupnom iznosu koji ne prelazi visinu izuzetne novčane pomoći iz člana 34. Zakona.

- a) Jednokratna novčana pomoć se dodjeljuje do visine 20% prosječne neto plaće . . . . . 132,00 KM
- b) Izuzetna novčana pomoć se dodjeljuje do visine 40% prosječne neto plaće . . . . . 264,00 KM

**4. Osposobljavanje za život i rad**

Novčana naknada za vrijeme čekanja na zaposlenje u smislu čl. 42. i 44. Zakona iznosi . . . . . 132,00 KM

**5. Smještaj u drugu porodicu - (Zakon o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" - 38/14 Prečišćeni tekst, 38/16, 44/17 i 28/18) - PREPORUKA Federalnog ministarstva rada i socijalne politike broj: 05-02/1-473/18 od 01.04.2019. godine**

Naknada za smještaj u drugu porodicu utvrđena je u visini 80% cijene smještaja u odgovarajuću ustanovu socijalne zaštite i to:

- a) smještaj djece u drugu porodicu . . . . . 476,00 KM
- b) smještaj starih lica koja su pokretna u drugu porodicu . . . . . 325,60 KM
- c) smještaj starih lica koja su nepokretna u drugu porodicu . . . . . 501,60 KM